

БАСПАСӨЗ ХАБАРЛАМАСЫ

«ҚазМұнайГаз» Барлау Өндіру» АҚ 2015 алғашқы үш айындағы қаржылық нәтижелері

Астана, 30 сәуір 2015 жыл. «ҚазМұнайГаз» Барлау Өндіру» АҚ («ҚМГ БӨ», «Компания») 2015 жылдың 31 наурызында аяқталған үш айға арналған қысқартылған топтастырылған аралық қаржылық есепті жариялады.

- 2015 жылдың алғашқы үш айында ақша түсімі 117 млрд теңгені (632 млн. АҚШ доллары¹) құрады, бұл 2014 жылдың осы кезеңіндегімен салыстырғанда 47% кем. Ақша түсімінің азаюы Brent маркалы мұнайдың 50%-ға - 2014 жылдың бірінші тоқсанындағы 108,2 АҚШ долларынан 2015 жылдың бірінші тоқсанында 53,9 АҚШ долларына дейін арзандауына, және ішкі нарыққа жөнелтілетін мұнай бағасының 53%-ға – 2014 жылдың бірінші тоқсанындағы 48 мың теңгеден 2015 жылдың бірінші тоқсанында 23 мың теңгеге дейін арзандауына байланысты.
- 2015 жылдың бірінші тоқсанда өндірістік шығындар 58 млрд теңгені (314 млн. АҚШ доллары) құрады, бұл 2014 жылдың осы кезеңімен салыстырғанда 32% артық, бұл өндірістік құрылым қызметкерлерін марапаттау шығындарының көбеюімен түсіндіріледі.
- 2015 жылдың алғашқы үш айында таза пайда 1,6 млрд теңгені (9 млн. АҚШ доллары) құрады, 2014 жылдың осындай кезеңінде бұл көрсеткіш 123 млрд теңге (727 млн АҚШ доллары) болған. 2015 жылдың бірінші тоқсанында таза пайданың кемуі түсім мен бағам айырмашылығынан түсетін кірістің азаюына байланысты.
- Таза ақша қаражатының сомасы² 2014 жылдың 31 желтоқсанындағы 727 млрд. теңгемен (4,0 млрд. АҚШ доллары) салыстырғанда, 2015 жылдың 31 наурызындағы жағдай бойынша 696 млрд. теңгені (3,8 млрд. АҚШ доллары) құрады.

Өндірістік көрсеткіштер

2015 жылдың алғашқы үш айында ҚМГ БӨ «Қазгермұнай» БК» ЖШС (ҚГМ), «CCEL» (CCEL) және «ПетроҚазақстан Инк.» (ПҚИ) компанияларындағы үлестерін есептегенде 3 037 мың тонна (тәулігіне 250 мың баррель) мұнай өндірді, бұл 2014 жылдың осындай кезеңімен салыстырғанда сәл ғана кем.

¹ Сомалар АҚШ долларына тек оқырмандарға ыңғайлы болуы ескеріліп, жиынтық есептер мен ақша қаражатының қозғалысы туралы жиынтық есептер үшін тиісті кезеңдегі орташа айырбас бағамы (2015 жылдың 1 тоқсаны 184,58 теңге/ АҚШ долл., 2014 жылдың 1 тоқсанында 169,77 теңге/АҚШ долл, кезең соңында бағам: 2015 ж.31 желтоқсанында 185,58 теңге/АҚШ долл., 2014 ж. 31 желтоқсанында 182,04 теңге/АҚШ долл.) бойынша және жиынтық кезеңнің соңындағы бағам бойынша ауыстырылды.

² Есептегі кезеңнің соңында займ сомасын алып тастағанда ақша қаражаттары, олардың баламалары мен басқа қаржы активтерінің сомасы ретінде есептеледі.

«Өзенмұнайгаз» АҚ (ӨМГ) 1 339 мың тонна (тәулігіне 110 мың баррель) өндірді, бұл 2014 жылдың осы кезеңімен салыстырғанда 3% артық, және өндіріс деңгейінің көтерілуіне, жоспардан тыс жаңа скважиналардың бұрғылануына, қазіргі ұңғымалар қорын қалпына келтіруге бағытталған геологиялық-техникалық жұмыстардың жүргізілуіне байланысты. 2015 жылдың бірінші тоқсанында ӨМГ өндіріс қарқыны жоспарланған деңгейден 2% артық болды, бұл жоспарланған кестеден озып жаңа ұңғымаларды бұрғылауға байланысты. «Ембімұнайгаз» АҚ (ЕМГ) 682 мың тонна (тәулігіне 56 мың баррель) өндірді, бұл 2014 жылдың осындай кезеңімен шамалас. Нәтижесінде ӨМГ мен ЕМГ жалпы өндіру көлемі 2014 жылдың осы кезеңімен салыстырғанда 2% артып, 2 021 мың тонна (тәулігіне 166 мың баррель) құрады.

ҚМГ БӨ-нің CCEL, ҚГМ және ПҚИ компанияларындағы өндіру үлесі 2015 жылдың алғашқы үш айында 1 016 мың тоннаны (тәулігіне 84 мың баррель) құрады, бұл 2014 жылдың осындай кезеңіндегімен салыстырғанда 4 %-ға кем, және ПҚИ өндіріс көлемінің 11%-ға, ҚГМ өндіріс көлемінің 3%-ға кемуіне байланысты, және 2015 өндіріс жоспарына сәйкес келеді.

Мұнай мен мұнай өнімдерін сату

2015 жылдың алғашқы үш айында ӨМГ және ЕМГ мұнай сатылымының экспорттық көлемі 1 441 мың тоннаны (тәулігіне 116 мың баррель) немесе мұнай сатылымы жалпы көлемінің 71% құрады. Ішкі нарыққа 562 мың тонна (тәулігіне 45 мың баррель) жөнелтілді, оның 505 мың тоннасы (тәулігіне 41 мың баррель) ӨМГ мен ЕМГ қорларынан Атырау мұнай өңдеу зауытына, 40 мың тоннасы (тәулігіне 3 мың баррель) ЕМГ қорларынан Павлодар мұнай-химия зауытына жеткізілді, өндеуден өткен 17 мың тонна (тәулігіне 1 мың баррель) мұнай өнімдері сатылды. Бұған қоса, Қазақстан Республикасы мен Ресей Федерациясының арасындағы үкіметаралық келісімге сәйкес өзара мұнай жеткізу міндеттемелерін орындау мақсатында 20 мың тонна (тәулігіне 2 мың баррель) мұнай Ресей Федерациясына жөнелтілді.

ҚМГ БӨ компаниясының CCEL, ҚГМ және ПҚИ компанияларының мұнай сатылымындағы үлесі 991 мың тонна мұнайды (тәулігіне 82 мың баррель) құрады, оның 493 мың тоннасы (тәулігіне 40 мың баррель) экспортқа жіберілді, бұл компаниялардың жалпы сату көлемінің 50% құрайды. Ішкі нарыққа 498 мың тонна (тәулігіне 42 мың баррель) жөнелтілді, оның 321 мың тоннасы (28 мың баррель) Павлодар мұнай-химия зауытына жеткізілді, 117 мың тоннасы (тәулігіне 10 мың баррель) Шымкент мұнай өңдеу зауытына, 37 мың тоннасы (тәулігіне 2,7 мың баррель) Атырау мұнай өңдеу зауытына, 22 мың тоннасы (тәулігіне 1,7 мың баррель) Ақтау битум зауытына жеткізілді.

Кезеңдегі таза пайда

2015 жылдың алғашқы үш айында таза пайда 1,6 млрд теңгені (9 млн. АҚШ доллары) құрады, 2014 жылдың осындай кезеңінде бұл көрсеткіш 123 млрд теңге (727 млн АҚШ доллары) болған. 2015 жылдың бірінші тоқсанында таза пайданың кемуі түсім мен бағам айырмашылығынан түсетін кірістің азаюына байланысты.

Ақша түсімі

2015 жылдың алғашқы үш айында ақша түсімі 117 млрд теңгені (632 млн. АҚШ доллары) құрады, бұл 2014 жылдың осы кезеңіндегімен салыстырғанда 47% кем. Ақша түсімінің азаюы

Брент маркалы мұнайдың 50%-ға - 2014 жылдың бірінші тоқсанындағы 108,2 АҚШ долларынан 2015 жылдың бірінші тоқсанында 53,9 АҚШ долларына дейін арзандауына, және ішкі нарыққа жөнелтілетін мұнай бағасының 53%-ға – 2014 жылдың бірінші тоқсанындағы 48 мың теңгеден 2015 жылдың бірінші тоқсанында 23 мың теңгеге дейін арзандауына байланысты. 2015 жылдың бірінші тоқсанында ішкі нарыққа сату бағасы Атырау мұнай өңдеу зауытына тоннасына 22,4 мың теңгені, Павлодар мұнай-химия зауытына тоннасына 30 мың теңгені құрады, алайда бұл бағаларды әлі ҚМГ БӨ директорлар кеңесі бекітуі керек.

Кіріс салығынан басқа салықтар

Кіріс салығынан басқа салықтар 2015 жылдың алғашқы үш айында 48 млрд. теңгені (262 млн. АҚШ доллары) құрады, 2014 жылдың осы кезеңімен салыстырғанда бұл 40%-ға кем. Салықтың азаюы ренталық салық пен пайдалы қазбаларды өндіру салығына қатысты шығындардың төмендеуіне байланысты, бірақ бұл экспорттық кедендік баж салығы шығындарының көбеюімен жартылай теңгерілді. Ренталық салық пен пайдалы қазбаларды өндіру салығына қатысты шығындардың төмендеуі Брент маркалы мұнайдың орташа бағасының 2014 жылдың бірінші тоқсанындағы жағдаймен салыстырғанда 2015 жылдың бірінші тоқсанында 50%-ға арзандауына байланысты. Экспорттық кедендік баж салығы 2014 жылдың 1 сәуірінен бастап тоннасына 60 АҚШ долларынан 80 АҚШ долларына көтерілді. 2015 жылдың 19 наурызында экспорттық кедендік баж салығы тоннасына 80 АҚШ долларынан 60 АҚШ долларына дейін төмендетілді.

Өндірістік шығындар

2015 жылдың алғашқы үш айында өндірістік шығындар 58 млрд. теңгені (314 млн. АҚШ долларын) құрады, бұл 2014 жылдың сәйкес кезеңімен салыстырғанда 32% артық, бұл негізінен өндірістік қызметкерлерге сыйақы төлеу шығындарының артуымен түсіндіріледі.

Қызметкерлерге сыйақы төлеу шығындары 2015 жылдың алғашқы үш айында 2014 жылдың сәйкес кезеңімен салыстырғанда 58% артты. Бұл негізінен 2015 жылдың қаңтарынан бастап өндірістік қызметкерлердің айлық жалақысын 7%-ға индексациялауға, 2014 жылдың сәуір айынан бастап бірыңғай еңбекақы төлеу жүйесінің енгізілуіне және теңгенің девальвациясына байланысты 2014 жылдың сәуірінен бастап еңбекақының 10%-ға артуына, сонымен қатар, 2014 жылдың қыркүйек айынан бастап көмекші өндірістік қызметкерлерге арналған өндірістік сыйақылардың 25%-дан 33%-ға артуына байланысты.

2014 жылдың төртінші тоқсанындағыға қарағанда 2015 жылдың бірінші тоқсанында қызметкерлерге төленген сыйақы шығындары 12%-ға артты, бұл негізінен 2015 жылдың қаңтар айынан бастап өндірістік қызметкерлердің жалақысын 7%-ға индексациялауға байланысты.

Сату шығындары және әкімшілік шығындар

2015 жылдың алғашқы үш айында сату шығындары және әкімшілік шығындар 26 млрд. теңгені (143 млн. АҚШ доллары) құрады, бұл 2014 жылдың осы кезеңімен салыстырғанда 19%-ға артық. Бұл айыппұлдар мен өсімпұлдардың көбеюіне, қызметкерлерге сыйақы төлеу шығындары мен көлік шығындарының артуына байланысты. 2009-2012 жылдарға арналған салық тексеруіне сәйкес міндеттелген айыппұлдар мен өсімпұлдар бойынша 2015 жылдың бірінші тоқсанында қосымша есептеулер жүзеге асырылды.

Операциялық қызметтен ақша ағымдары

Операциялық қызметтен таза ақша ағымдары 2014 жылдың бірінші тоқсанындағы 98 млрд. теңгемен (579 млн. АҚШ доллары) салыстырғанда 2015 жылдың алғашқы үш айында 27 млрд. теңгені (148 млн. АҚШ доллары) құрады. Бұл көрсеткіш негізінен 2015 жылдың 1 тоқсанында ақша түсімінің азаюына байланысты.

Күрделі салымдар

2015 жылдың алғашқы үш айында күрделі салымдар³ 31 млрд. теңгені (166 млн. АҚШ доллары) құрады, бұл 2014 осындай кезеңіндегімен салыстырғанда 35 %-ға көп. Бұл ӨМГ-де өндіріс көлемін ұлғайту мақсатымен эксплуатациялық бұрғылау қарқынының жоспарланған бұрғылау кестесінен артық орындалғанына, 2014 жылдың 1 тоқсанындағыға қарағанда ӨМГ мен ЕМГ-де өндірістік нысандарды салу және жаңғырту шығындарының артуына байланысты. 2015 жылдың алғашқы үш айында ӨМГ мен ЕМГ-де жоспарланған 25 ұңғыманың орнына 87 ұңғыма ұңғыма бұрғыланды.

Ақша қаражаттары және займдар

2015 жылдың 31 наурызында ақша қаражаттары мен олардың баламаларының сомасы 2014 жылдың 31 желтоқсанындағы 180 млрд. теңгемен (1,0 млрд. АҚШ доллары) салыстырғанда, 115 млрд. теңгені (0,6 млрд. АҚШ доллары) құрады. 2015 жылдың 31 наурызындағы басқа да қаржы активтерінің сомасы 2014 жылдың 31 желтоқсанындағы 554 млрд. теңгемен (3,0 млрд. АҚШ доллары) салыстырғанда, 588 млрд. теңгені (3,2 млрд. АҚШ доллары) құрады.

2015 жылдың 31 наурызындағы жағдай бойынша ақша қаражаттары мен қаржы активтерінің 95% шетелдік валютада, 5%-ы теңгеде қайта номинацияланды. Ақша қаражаттары мен қаржы активтері бойынша есептелген қаржылық кіріс 2014 жылдың 1 тоқсанындағы 5 млрд. теңгемен (31 млн. АҚШ доллары) салыстырғанда, 2015 жылдың алғашқы үш айында 6 млрд. теңгені (34 млн. АҚШ доллары) құрады.

2015 жылдың 31 наурызында Компания займдарының сомасы 2014 жылдың 31 желтоқсанындағы 7,2 млрд. теңгемен (40 млн. АҚШ доллары) салыстырғанда 7,1 млрд. теңгені (38 млн. АҚШ доллары) құрады.

Таза ақша қаражаттарының сомасы⁴ 2014 жылдың 31 желтоқсанындағы 727 млрд. теңгеге (4,0 млрд. АҚШ доллары) қарағанда, 2015 жылдың 31 наурызында 696 млрд. теңгені (3,8 млрд. АҚШ доллары) құрады.

Қауымдасқан компаниялар мен бірлескен кәсіпорындардың нәтижелеріндегі үлес

2015 жылдың бірінші тоқсанында қауымдасқан компаниялардағы және бірлесіп бақыланатын кәсіпорындардағы үлестерден түскен кіріс 2014 жылдың сәйкес кезеңінде алынған 16 млрд. теңгеге (95 млн. АҚШ доллары) қарағанда, 19 млрд. теңгені (100 млн. АҚШ долларын) құрады.

³ Компания күрделі салымдарды есептеу тәсілін өзгертті. 2013 жылдың 4 тоқсанынан бастап күрделі салымдар енгізгі құралдар мен материалдық емес активтерді түсімі ретінде көрсетілген. Бұған дейін олар ақша қаражаттарының қозғалысы есебіне сәйкес негізгі құралдар мен материалдық емес активтерді сатып алу ретінде көрсетілетін.

⁴ Есептегі кезеңнің соңында займ сомасын алып тастағанда ақша қаражаттары, олардың баламалары мен басқа қаржы активтерінің сомасы ретінде есептеледі.

Қазгермұнай

2015 жылдың алғашқы үш айында ҚМГ БӨ Қазгермұнай компаниясындағы үлесінен 8 млрд. теңге (41 млн. АҚШ доллары) мөлшеріндегі кірісті есебіне енгізді. Аталған сома Қазгермұнайдың таза пайдасындағы Компанияның 6 млрд. теңге (31 млн. АҚШ доллары) мөлшеріндегі 50% үлесінен лицензияның әділ құнына амортизация ықпалы мен 1,8 млрд. теңге (10 млн. АҚШ доллары) мөлшеріндегі кейінге шегерілген табыс салығын алып тастағанда шығады.

2015 жылдың алғашқы үш айында ҚТМ таза пайдасы өткен жылдың сәйкес кезеңімен салыстырғанда 54% кеміді, бұл негізінен, Брент маркалы мұнай бағасының 50%-ға арзандауына және экспорттық сатылымдардың 11%-ға азаюына байланысты.

2015 жылдың алғашқы үш айында ҚМГ БӨ 25 млн. АҚШ долларын ҚТМ-нен дивиденд ретінде алды.

ПетроҚазақстан Инк.

2015 жылдың алғашқы үш айында ҚМГ БӨ өз есебінде ПҚИ компаниясындағы үлесінен 2,7 млрд. теңгені (15 млн. АҚШ доллары) шығын ретінде көрсетті. Бұл сома 1,5 млрд. теңге (8 млн. АҚШ доллары) көлеміндегі лицензияның әділ құнына амортизация ықпалын алып тастағандағы 1,2 млрд. теңгені (6 млн. АҚШ доллары) құраған ПҚИ таза шығынындағы Компанияның 33% үлесін көрсетеді.

Былтырғы жылдың сәйкес кезеңіндегі 165 млн. АҚШ доллары көлеміндегі таза пайдамен салыстырғанда 2015 жылдың бірінші тоқсанында ПҚИ таза шығыны 20 млн. долларды құрады. Бұл сату көлемінің 12%-ға азаюына, экспортқа жіберілетін шикізат көлемінің ішкі нарыққа жіберілуіне, Брент маркалы мұнай бағасының арзандауына және ішкі нарыққа сатылатын бағаның төмендеуіне байланысты.

CCEL

Компания 2015 жылдың 31 наурызындағы жағдай бойынша өзінің балансында 19,5 млрд. теңгені (105 млн. АҚШ долларын) қытайлық CITIC Resources Holdings Limited. компаниясымен бірлесіп бақылайтын кәсіпорын CCEL компаниясынан алынатын шот ретінде көрсетті. 2015 жылдың алғашқы үш айында ҚМГ БӨ 26,87 млн. АҚШ доллары мөлшеріндегі CCEL компаниясынан алынатын жылдық басымдықты кірістің бір бөлігін білдіретін 0,7 млрд. теңге (3,6 млн. АҚШ доллары) мөлшеріндегі пайыздық кірісті есептеді.

2015 жылдың 31 наурызында аяқталған үш айдың қысқартылған топтастырылған аралық қаржылық есебі, сондай-ақ қаржылық жағдайдың талдауы мен қаржы-экономикалық қызметтің нәтижелері Компанияның Интернет-сайтында (www.kmger.kz) жарияланады.

ҚОСЫМША

Жиынтық кіріс туралы топтастырылған қысқартылған есеп (тексерілмеген)

<i>Миллион теңгемен</i>	31 наурызда аяқталған үш ай үшін	
	2015	2014
Кірістер	116.732	220.824
Қауымдасқан компаниялар мен бірлескен кәсіпорындардың нәтижелеріндегі үлес	18.526	16.160
Қаржылық кіріс	6.188	5.236
Түсім мен басқа кірістердің жиыны	141.446	242.220
Өндірістік шығындар	(57.964)	(43.793)
Сату және әкімшілік шығындары	(26.440)	(22.244)
Барлау шығындары	(349)	(258)
Ескіру, тозу және амортизация	(4.346)	(15.056)
Табыс салығынан басқа салықтар	(48.379)	(80.280)
Негізгі құралдардың құнсыздануы	—	(27.448)
Негізгі құралдарды шығарудан болған шығындар	(72)	(223)
Қаржыландыру шығындары	(15.053)	(806)
Бағамдық айырмашылық кірістері/ нетто	17.055	108.113
Салық салғанға дейінгі пайда	5.898	160.225
Табыс салығы шығындары	(4.316)	(36.767)
Кезеңдегі пайда	1.582	123.458
Шетелдік валютаны қайта санаудан бағамдық айырмашылық	358	52.334
Алдағы кезеңдерде пайда мен шығынға қайта саналатын басқа да жиынтық кіріс	358	52.334
Салықтарды шегергендегі кезеңдегі басқа жиынтық кірістер	1.940	175.792
(ШЫҒЫНДАР) / БІР АКЦИЯҒА ПАЙДА— мың теңге		
Базалық және молайтылған	0,02	1,81

Қаржылық жағдай туралы қысқартылған аралық топтастырылған есеп

Миллион теңгемен

	31 наурыза 2015 жыл (тексерілмеген)	31 желтоқсан 2014 жыл (тексерілген)
АКТИВТЕР		
Ұзақ мерзімді активтер		
Негізгі құралдар	187.116	156.436
Материалдық емес активтер	10.758	10.855
Бірлескен кәсіпорындарға инвестициялар	113.271	95.177
Қауымдасқан компанияға инвестициялар	115.185	116.054
Бірлесіп бақыланатын кәсіпорындардың дебиторлық қарызы	14.713	13.808
Бірлескен кәсіпорындардан алынатын займдар	13.029	25.738
Басқа да қаржы активтері	19.532	18.567
Кейінге қалдырылған салық бойынша активтер	84.595	84.067
Төленетін қосымша құн салығы	43.083	42.300
Басқа да активтер	14.816	15.472
Ұзақ мерзімді активтер жиынтығы	616.098	578.474
Ағымдағы активтер		
Тауар-материалдық қорлар	21.059	26.357
Табыс салығы бойынша алдын-ала төлем	41.060	23.916
Салықтар мен ҚҚС өтеуге алдын-ала төлем	34.607	37.831
Пайдалы қазбаларды өндіруге арналған салық және ренталық салық бойынша алдын-ала төлем	1.264	2.581
Болашақ шығындар	22.589	30.011
Сауда және басқа да дебиторлық қарыз	58.598	56.570
Бірлесіп бақыланатын кәсіпорындардың дебиторлық қарызы	4.742	4.658
Бірлескен кәсіпорындардан алынатын займдар	8.110	7.692
Басқа да қаржы активтері	568.519	535.513
Ақша қаражаттары мен олардың баламалары	115.304	180.245
Ағымдағы активтер жиыны	875.852	905.374
Активтер жиыны	1.491.950	1.483.848
КАПИТАЛ		
Жарғылық капитал	163.004	163.004
Басқа да қорлар	2.355	2.355
Бөлінбеген пайда	1.099.752	1.098.170
Басқа да капитал құрамы	75.945	75.587
Капитал жиыны	1.341.056	1.339.116
МІНДЕТТЕМЕЛЕР		
Ұзақ мерзімді міндеттемелер		
Займдар	4.046	4.218
Кейінге қалдырылған салықтық міндеттемелер	568	569
Қорлар	42.115	34.929
Ұзақ мерзімді міндеттемелер жиыны	46.729	39.716
Ағымдағы міндеттемелер		
Займдар	3.082	3.000
Қорлар	13.958	8.287
Төленетін табыс салығы	13	15
Төленетін пайдалы қазбаларды өндіру салығы мен ренталық салық	23.310	34.200
Сауда және басқа да кредиторлық қарыз	63.802	59.514
Ағымдағы міндеттемелер жиыны	104.165	105.016
Міндеттемелер жиыны	150.894	144.732
Міндеттемелер мен капитал жиыны	1.491.950	1.483.848

**Ақша қаражаттарының қозғалысы туралы қысқартылған аралық жиынтық есеп
(тексерілмеген)**

	31 наурызда аяқталған үш айға	
	2015	2014
Операциялық қызметтен ақша қаражаттарының ағымдары		
Салық сабынғанға дейінгі пайда	5.898	160.225
Ақшалай емес баптарды қосу/ (алу) үшін түзетілер		
Ескіру, тозу және амортизация	4.346	15.056
Қауымдасқан компания мен бірлескен кәсіпорындардағы үлес	(18.526)	(16.160)
Негізгі құралдарды шығару шығындары	72	223
Негізгі құралдардың құнсыздануы	—	27.448
Барлау және бағалау жөніндегі активтер бойынша нәтижесіз барлау ұңғымаларына арналған шығындар	51	46
Операциялық қызметтен бағам айырмашылығынан түскен жүзеге асырылмаған кіріс	(15.968)	(57.640)
Басқа да ақшалай емес кірістер мен шығыстар	543	(136)
Қаржыландыруға плюс шығыстар	15.053	806
Минус қаржылық кіріс	(6.188)	(5.236)
Айналымдағы капиталды түзету		
Басқа активтердегі өзгерістер	(1.932)	14
Тауар-материалдық қорлардағы өзгерістер	5.267	2.665
Өтелетін ҚҚС мен салықтар бойынша алдын-ала төлемдегі өзгерістер	3.234	(2.702)
Болашақ кезеңдердің шығындарындағы өзгерістер	7.423	(225)
Сауда және басқа да дебиторлық қарыздардағы өзгерістер	(1.603)	7.249
Сауда және басқа да кредиторлық қарыздардағы өзгерістер	(1.067)	(6.376)
Төленетін пайдалы қазбаларды өндіру салығы мен ренталық салықтағы өзгерістер	(10.185)	(1.061)
Резервтердегі өзгерістер	3.941	419
Төленген табыс салығы	(17.589)	(26.278)
Операциялық қызметтен ақша қаражаттарының таза ағымдары	(27.230)	98.337
Инвестициялық қызметтен ақша ағымдары		
Негізгі құралдарды сатып алу	(22.401)	(33.017)
Негізгі құралдарды сатудан түскен түсім	3	247
Материалдық емес активтерді сатып алу	(322)	(515)
Бірлескен кәсіпорындарға берілген займдар	(277)	(519)
Бірлескен кәсіпорындардан алынған дивидендтер	4.626	—
Өтелуге дейін ұсталатын қаржы активтерін сату / (сатып алу)	(22.346)	97.077
Алынған сыйақы	1.759	2.635
Инвестициялық қызметтен алынған (пайдаланылған) ақша қаражаттарының таза ағымдары	(38.958)	65.908
Қаржылық қызметтен ақша ағымдары		
Займдарды өтеу	(273)	(267)
Компания акционерлеріне төленген дивидендтер	(38)	(29)
Қаржылық қызметте пайдаланылған ақша қаражаттарының таза ағымдары	(311)	(296)
Ақша қаражаттары мен олардың баламаларын таза өзгерту	(66.499)	163.949
Жыл басынан бергі ақша қаражаттары мен олардың баламалары	180.245	119.036
Ақша қаражаттары мен олардың баламаларының он/ (теріс) бағамдық айырмашылығы	1.558	(23)
Кезең соңындағы ақша қаражаттары мен олардың баламалары	115.304	282.962

Төменде 2015 жылдың 31 наурызында аяқталған көліктік және басқа да шығыстар есептеле отырып, мұнай өнімдерін сату бағалары туралы деректер келтірілген⁵:

2015 ж.3ай (АҚШ доллары/барр)	ӨАС	КҚК	АНПЗ	ПНХЗ	Ресейге жеткізілімдер
Жарияланатын нарықтық баға	53,9	53,9	-	-	-
Сапа банкі	-	(5,7)	-	-	-
Жеңілдіктер	(3,5)	(1,3)	-	-	-
Сатылған баға	50,4	46,9	16,8	22,5	38,0
Ренталық салық	(6,2)	(5,3)	-	-	-
Экспорттық кедендік баж	(10,9)	(10,1)	-	-	-
ПҚӨС	(6,1)	(5,6)	(2,7)	(2,7)	(3,6)
Көлік шығындары	(8,2)	(6,5)	(1,5)	(7,8)	(5,4)
Нэтбэк	19,0	19,4	12,6	12,0	29,0
Баррелизация коэффициенті бойынша сыйақы	-	4,0	-	-	-
Баррелизация коэффициентін ескергендегі нэтбек	19,0	23,4	12,6	12,0	29,0

2014 ж. 3 ай (АҚШ доллары/барр)	ӨАС	КҚК	АНПЗ	ПНХЗ	Ресейге жеткізілімдер
Жарияланатын нарықтық баға	108,2	108,2	-	-	-
Сапа банкі	-	(6,9)	-	-	-
Жеңілдіктер	(3,2)	(1,7)	-	-	-
Сатылған баға	105,0	99,6	39,1	-	-
Ренталық салық	(23,1)	(21,0)	-	-	-
Экспорттық кедендік баж	(8,0)	(7,3)	-	-	-
ПҚӨС	(11,9)	(10,9)	(2,3)	-	-
Көлік шығындары	(8,5)	(7,2)	(1,7)	-	-
Нэтбэк	53,5	53,2	35,1	-	-
Баррелизация коэффициенті бойынша сыйақы	-	8,4	-	-	-
Баррелизация коэффициентін ескергендегі нэтбек	53,5	61,6	35,1	-	-

Анықтамалық ақпарат	2014 ж.3 ай	2015 ж.3 ай
Кезеңдегі орташа бағам US\$/KZT	169,77	184,58
Кезең соңындағы бағам US\$/KZT	182,04	185,65
ҚМГ БӨ үшін баррельді мұнай тоннасына қайта есептеу коэффициенті (өндіріс)		7,36
ҚМГ БӨ үшін баррельді мұнай тоннасына қайта есептеу коэффициенті (сату)		7,23
Казгермунай үшін баррельді мұнай тоннасына қайта есептеу коэффициенті		7,70
CCEL үшін баррельді мұнай тоннасына қайта есептеу коэффициенті		6,68
ПҚИ үшін баррельді мұнай тоннасына қайта есептеу коэффициенті		7,75

⁵ 2015 жылдың 1 тоқсанынан бастап нэтбек есептеу әдісі өзгерді және ол ПҚӨС нэтбектен алып тастауды қамтиды. Соның нәтижесінде 2014 жылдың 1 тоқсанындағы салыстырмалы ақпарат қайта есептелді.

Анықтама

ҚМГ БӨ мұнай өндіру көлемі жағынан Қазақстанда көшбасшылардың үштігіне кіреді. Компанияның өндіру көлемі «Қазгермұнай» БК ЖШС мен CCEL («Қаражанбасмұнай» АҚ) және «ПетроҚазақстан Инк.» компанияларындағы үлестерді есептегенде, 2014 жылы 12,3 млн. тоннаны (тәулігіне 250 мың баррель) құрады. ҚМГ БӨ үлесіндегі мұнайдың дәлелденген және болжамды қорларының көлемі 2014 жылдың соңындағы жағдай бойынша 177 млн. тоннаны (1 303 млн. баррель) құрады, оның 132 млн. тоннасы (981 млн баррель) «Өзенмұнайгаз» АҚ, «Ембімұнайгаз» АҚ және «Урал Ойл энд Газ» (Рожковское кеніші, Федоровский блогы) еншісінде. Компанияның акциялары Қазақстан Қор Биржасында, ал ғаламдық депозитарлық қолхаттары – Лондонның Қор Биржасында листингтен өтті. 2006 жылдың қыркүйегінде IPO кезінде Компания 2 млрд. астам АҚШ долларын тартты.

Байланыстық ақпарат:

«ҚМГ БӨ» АҚ, Институционалдық инвесторлармен байланыс (+7 7172 97 54 33)

Әсел Қалиева

e-mail: ir@kmgep.kz

«ҚМГ БӨ» АҚ, Жұртшылықпен байланыс (+7 7172 97 79 08)

Елена Пак

e-mail: pr@kmgep.kz

Brunswick Group (+44 207 404 5959)

Andrew Mitchell

e-mail: KMGEP@brunswickgroup.com

Болашаққа қатысты мәлімдеме

Осы құжатта «болашаққа қатысты мәлімдеме» болып табылатын немесе есептелетін мәлімдеме қамтылған. Басқаларының арасындағы «санайды», «алдын ала бағалау бойынша», «күтіп отыр», «болжам бойынша», «ұйғарып отыр», «жоспарлап отыр», «ұйғарды», «болады» немесе «болуы тиіс» деген сөздерді қоса алғанда болашақты сипаттауға арналған терминология, не, әр жағдайда осыған ұқсас немесе пара-пар терминология, не талқылауға арналған сілтемелер, болашақ оқиғаның немесе ниеттің жоспарлары, мақсаттары, міндеттері келешекке қатысты мәлімдемені түсіндіруге арналған. Болашаққа қатысты аталған мәлімдеме тарихи фактілер болып табылмайтын барлық мәлімдемелерді қамтиды. Олар ниеттер, пікірлер туралы мәлімдемелерді және Компанияның солармен қатар қызметтің нәтижелеріне, қаржылық жағдайға, Компания жұмыс істеп отырған стратегиялар мен салалардың жойылымдылығына, перспективаларына, өсуіне қатысты күтулері туралы мәлімдемелерді шектеусіз қамтиды. Өз тұрғысында болашаққа қатысты өтінімдер болуы мүмкін келешектегі оқиғалар мен жағдайларға қатысты болғандықтан тәуекелмен және белгісіздікпен байланысты. Болашаққа қатысты мәлімдемелер қызметтің болашақ нәтижелерінің кепілдігі болып табылмайды және Компания қызметінің іс жүзіндегі нәтижелері, қаржылық жағдайы және қызметін тоқтатуы және Компания жұмыс істейтін елдер мен салалардың дамуы осы құжатта сипатталған нұсқалардан айтарлықтай өзгеше болуы немесе осы құжатта қамтылған болашаққа қатысты мәлімдемелерге сәйкес жүзеге асуы мүмкін. Компания жаңа ақпараттар алудың, болашақ оқиғалардың немесе қандай да бір өзге де жағдайдың нәтижесінде болса да осы құжатта қамтылған салаға қатысты қандай да болмасын ақпаратты немесе болашаққа қатысты қандай да болмасын мәлімдемені жаңартуды жоспарламайды және ол жөнінде өзіне міндеттеме алмайды. Компания болашаққа қатысты мұндай мәлімдемелерде айтылған нәтижелерге қол жеткізілетіндігіне қатысты ешқандай мәлімдеме жасамайды, ешқандай растау бермейді және ешқандай болжам жарияламайды.